

(ciep banj 8)

Seiq、Cauhlaeb Gij Dijci Gihci Haeujcoengh Yienghyiengh Cauhmoq

Gyauyuz、gohgi、vunzcaiz dwg doengh yiengh daj giekdaej、daj daengxbuenz dingcengj gij yendaiva yiengh Cungguk. Itdingh aeu haeujlaeg saedhengz aen canloz gohgyau hwng guk、aen canloz vunzcaiz ak guk、aen canloz aeu cauhamoq coi guh hwngfat, gyroebgyonj doengzcaemh gaijgwz gij dijci gihci yiengh vunzcaiz gyauyuz gohgi, laebcaez gij dijci yienghmoq daengx guk comzrengz guh, hawj daengx aen dijhi cauhamoq gukgya lai ndaej cingjdaej langh rengz.

(13) Gyalae gyonjhab gaijgwz gyauyuz. Gyavaiq hwnqguh aen dijhi gyauyuz caetliengh sang, gyroebgyonj coi hawj gaijgwz aen fuengsik ganq vunz、aen vunqsik banhhag、aen dijci guenjeleix、aen banhfap baujndei. Laebndei aen gihci guh ndei son vunz, doinyoengx baenz cingjdaej bae gaijgwz cauhamoq monz goq swhsiengj cwngei ndaw dayoz、cunghyoz、siujyoz, laebcaez aen dijhi ganq vunz baenz dwz ci dij mej lau zienghyiengh maenhndei, demrengz hawj lauxsae engq rox son saw ganq vunz, laebcaez aen gihci ciengzgeiz son’ gyauq lauxsae guh ndei yiengh lauxsae, gyalae gaijgwz gij hongsaeh bingzgyaq gyauyuz. Gaijndei gauhdwnj gyauyuz baijbouh. Gyavaiq hwnqguh gij dayoz caeuq yiengh yozgoh ak gvaq vunz youh gag miz gij yiengh Cungguk、seiqgyaiq itlouz haenx. Faenloih doihaeuj gauhyau gaijgwz, laebhwnj gij gihci ndalaeb diuzcingj yozgoh caeuq gij vunqsik gungganq vunzcaiz youz gohgi hwngfat、gukgya canloz aeuyungh dazyinx, lai gvaq bingzciengz bae baijbouh gij yozgoh ciennieb gaenjungh, lai roengzrengz bae guh’ ak gij yozgoh dwkgiek、gij yozgoh ngamq hwng、gij yozgoh camca caeuq gungganq gij vunzcaiz ak gvaq vunz, baedrengz gyaak gungganq gij naengzlig cauhamoq. Laebndei aen gihci gauhyau cauhamoq gohgi, hawj cwngzgoj engq vaiq engq lai ndaej baenzjungh. Gyarengz caez guh gohgi gyauyuz caeuq yinzvwnz gyauyuz. Gyavaiq cauhaeb aen dijhi cizyez gyauyuz baenz yiengh cizyez cunghconh caeuq bujdungh gauhcungh yungzdoeng、canjnieb caeuq sonhag yungzhab. Laebcaez gij cidu hagseng lienhfwngz saedguh. Dazyinx gveihfan gij gyauyuz minzbanh hwngfat. Doihaeuj hailangh gij gyauyuz suijbingz sang, lai hawj doengh aen lijgungh dayoz rog guk suijbingz sang de daeuj Cungguk doxgap banhhag.

Gaijndei gij gyauyuz swwhyenz ranghdieg boiqceiq, laebhwnj aen gihci daezhawj yiengh fugsach gyauyuz vunzlai caezcaemh caeuq vunz–gyaeuj bienqvaq doxhab doxdaengh. Laebndei aen gihci doinyoengx yivu gyauyuz youh ndei youh doxdaengh hwngfat, sawq cugbouh gyadaih aen gvaengx doegsaw mbouj sou cienz. Laebcaez aen gihci baujcan yiengh gyauyuz caengz haeuj hag caeuq yiengh gyauyuz daegbied、yiengh gyauyuz cienmonz. Doihaeuj gyauyuz lai yungh soqcih gisuz, bangrengz dajcauh aen biengz maij hagsib, lai roengzrengz bauj hawj vunzlai ndaej baenzciuh hagsib.

(14) Gyalae gaijgwz aen dijci gohgi. Dingjmaenh yawj coh gij gohgi ceiq moq ceiq ak gwnz seiqgyaiq、yawj coh gij ginghci hungnaek youqgaenj、yawj coh gij aeuyungh hungnaek gukgya、yawj coh gij sengmingh ndangcanq beksingq, gaijndei aen gihci cujcz guh gohgi cauhamoq hungnaek, doengbuenz maeuzveh gyarengz

gungroengz gij gisuz ceiq ak ceiq youqgaenj, doinyoengx hawj gij rengzhoengh cauhamoq gohgi、yausu boiqceiq、aendoih vunzcaiz baenz dijhi、baenz genci youh doxboiq doxcoengh. Lai roengzrengz gyaak gij rengzlig yiengh gohgi hawjrengz daengxbuenz gukgya, laebndei aen dijhi sizyenziz gukgya, engq ndei bae dinghvi h caeuq ndabaij doengh aen gohyenz gihgou gukgya、doengh aen dayoz ak guh yenzgiu suijbingz sang、doengh aen giyez gohgi lingxdaeuz haenx, doihaeuj cunghyangh caeuq deihfueg doxgap guh gohgi cauhamoq, gyroebgyonj ngeixnaemj bae guh gij bingzdaiz gak cungj gohgi cauhamoq, gujli caeuq gveihfan banh gij gihgou yienghmoq guh yenzgiu haifat, hawj aen hawciengz gveihmoz hungloet guk raeuz ndaej langh rengz bae dazyinx, gyarengz gyroebgyonj gij swwhyenz cauhamoq caeuq cujcz gij rengzlig cauhamoq, doinyoengx gohgi cauhamoq caeuq canjnieb cauhamoq yungzhab hwngfat. Cauhaeb aen dijhi gamcaek yawhgingj caeuq wngqdoi gij fungyiemj gohgi ancienz, gyarengz gag bauj gij diuzgen giekdaej gohgi. Laebcaez aen cidu guenjeleix gij sedonz guh gohgi. Caeuq guk wnq lai guh gohgi doxgap doxhag, lai hawj youq Cungguk banh gozci gohgi cujcz, gaijndei aen gihci guenjeleix gij yienghsaeh gauhyau、gohyenz yensoj、gohgi sedonz doiq rog guh ciennieb doxhag doxgap.

Gaijndei gij hongsaeh guenjeleix gohgi giva, dawznaek daj yawj bae gyae、ndaej yinxlingx bae baijbouh aen lingyiz gihcu yenzgiu、aen lingyiz camca lingxdaeuz、aen lingyiz cungdenj. Gyarengz miz cujcz bae guh gihcu yenzgiu, hawj gij cienz yungh youq gohyoz gisuz de ndaej engq lai yungh haeuj gihcu yenzgiu, caezcienz aen gihci douzcienz guh gihcu yenzgiu dwg genj ndei haeujcoengh caeuq onjdingh haeujcoengh dox giethab, haenhcoi gij dieg、gij giyez、sevei cujcz、bouxvunz miz diuzgen de haeujcoengh guh gihcu yenzgiu, haeujcoengh gihcu yenzgiu daj lai aen fuengmienh bae genjdae, haenhcoi guh gij gihcu yenzgiu fungyiemj sang、gyaciz hung haenx. Gyalae gaijgwz aen dijhi bingzgyaq gohgi, gyarengz ceihleix gohgi lunzlij, yiemzsuk cingjeih gij yienghsaeh guh yozsuz sim mbouj cingq.

Lai gyarengz coengh giyez baenz gij cawjdae guh gohgi cauhamoq, laebhwnj aen gihci gungganq guhhung aen giyez gohgi lingxdaeuz, lai roengzrengz hawj gij swngchcanj sonhag yenzgiu youz giyez guhgoek de yungzhab haeuj laeg bae, laebhwnj aen cidu giyez bwhcwkw ngaenzcienz guh yenzgiu haifat, haeujcoengh giyez gag bae yiendaeuz roxnaeuz caeuqfaenh gij hongsaeh gungganv gohgi gukgya. Cauhaeb aen gihci guhhung guhhoengh gij giyez rauh giyez iq cien cing daeg moq haenx. Haenhcoi yiengh giyez rauh iq ak guh gohgi haenx roengzcienz engq lai bae guh yenzgiu haifat, diuzsang aen beijlaeh cienzyungh yenzgiu haifat gyasuenq caiq gaeucawz. Haenhcoi caeuq dazyinx gauhyau、gohyenz yensoj ciuq gij guhfap yungh gonq cij hai cienz, cinjhawj aeu gohgi cwngzgoj bae hawj giyez rauh giyez iq yungh.

Laebndei aen gihci faenboiq caeuq guenjeleix sawjungh gij cienz cunghyangh caizcwn yungh youq gohgi haenx, laebcaez aen dijci caephengz gij giva cunghyangh caizcwn haeujcoengh gohgi caeuq aeu gihgou conhyez daeuj guenjeleix. Gyadaih aen gvaengx “bau guh” yiengh gohyenz hanghmoeg youz caizcwn buedcienz haenx, hawj gohyozgyah miz gienz engq hung bae dingh gisuz lohsienq、yungh ginghfei、diuh swwhyenz. Laebhwnj aen gihci raenggenj gij hanghmoeg miz yawjap mbouj doengz

oklaeng cien’ gya caencoh doigawj de. Cinjhawj doengh gij swyez danhvei guh gohyenz beij itbuen swyez danhvei engq lingzvued guenjeleix, damqra gij yiengh ciuq giyez bae guenj.

Gyalae gaijgwz aen gihci cienjvaq gohgi cwngzgoj, gyarengz hwnqguh aen dijhi senjnod gisuz gukgya, gyavaiq baijbouh hwnqguh buk bingzdaiz guh gainen niemhcingq、duenhgyang niemhcingq ndeu, laebndei gij cwngcwz wngqyungh daiz ( dauq ) nduj、buk baez nduj、banj baez nduj, hawj cwngfuj lai bae dajcawx gij canjbinj gag cauhamoq. Lai roengzrengz bae guhhung guh’ ak aen doih gisuz ginghlijyinz.

Cinhawj boux guh gohgi miz gienz engq hung gag bae faen gij souik cienjvaq gohgi cwngzgoj ndaej haenx, laebhwnj aen cidu dan lied guenjeleix gij swchcanj gohgi cwngzgoj mwh dangsaeh aeundaej, gyalae gaijgwz gij yienghsaeh hawjgienz boux guh gohgi gaemmiz roxnaeuz sawjungh gij gohgi cwngzgoj mwh dangsaeh guh’ ok. Gyalae gaijgwz gij hongsaeh gauhyau、gohyenz yensoj faenboiq souhaeuj. Cinjhawj gij giyez gukmiz engq lai hab diuzgen haenx aeu cauhamoq dajcauh daeuj dazyinx, haiguh lai yiengh hingzik bae ciengzgeiz gikleih gij vunz guh gohyenz.

Cauhaeb aen dijci gohgi ginhyungz hab’ wngq gohgi cauhamoq haenx, gyarengz baengh ginhyungz bae haeujcoengh guh gij yinvu gohgi hungnaek gukgya caeuq haeujcoengh gij giyez rauh iq guh gohgi de, caezcienz gij cwngcwz haeujcoengh yiengh swbhwnj ciengzgeiz douz caeux、douz iq、douz ciengzgeiz、douz gij gohgi geng. Laebcaez aen gihci faensanq gij fungyiemj oklaeng gungganv gisuz hungnaek, laebhwnj gij cwngcwz dijhi gohgi baujiemj. Hawj swbhwnj gukrog youq Cungguk guh gujgenz douzsw、fungyiemj douzsw engq fuengbienh.

(15) Gyalae gaijgwz gij dijci gihci gungganq vunzcaiz. Saedhengz gij vunzcaiz cwngcwz engq coh ndei、engq hailangh、engq raenhamq, laebndei aen gihci gag guhcawj gungganq vunzcaiz, gyavaiq hwnqguh giz diegsang gungganq gij vunzcaiz suijbingz sang gukgya caeuq aen bingzdaiz supyinx conzgyonj vunzcaiz. Gyavaiq ganqok gij vunzcaiz gukgya canloz aeuyungh, haeujrengz gungganq dajcauh canloz gohyozgyah、gij vunzcaiz lingxdaeuz gohgi caeuq aendoih cauhamoq itlouz, haeujrengz gungganq dajcauh gij gunghcwngzsw maenhndei、gij lauxcangh guk hung、gij vunzcaiz dinfwngz rae, hawj gak loih vunzcaiz suciz engq ndei bae. Hwnqguh aendoih gisuz gunghyinz itlouz ndaw canjnieb. Laebndei aen gihci hawj vunzcaiz miz bouhloh riuzdoengh, coihawj vunzcaiz hableix nda youq gak ranghdieg, lailai hawj gij vunzcaiz baihdoeng cunggyang baihsae haeujlaeg gapguh. Laebndei aen gihci ra’ ndaej、genjaeu、gungganq gij vunzcaiz cauhamoq bouxcoz, engq ndei baujcan gij dakdaih gyoengq bouxcoz guh gohgi. Laebcaez gij cidu bauj hawj boux guh gohyenz ndaej itsim guh gohyenz.

Gyarengz guh gij gihci gikleih vunzcaiz, dawzdingh hawjgienz hawj aen cawjdae yungh vunz、hawj vunzcaiz soengcag. Laebhwnj aen dijhi bingzgyaq vunzcaiz aeu yawj bonjsaeh cauhamoq、ndeiyaez、saedyauq、goenglauz daeuj dingh. Dwk doeng roenloh hawj vunzcaiz ndaw gauhyau、gohyenz yensoj caeuq giyez gyaulouz. Laeb caezcienz aen gihci baujcan haeujcoengh yinxhaeuj vunzcaiz rog guk, cauxbaenz aen cidu dijhi vunzcaiz ndaej youq gozci ceng’ ak. Damqra laebhwnj aen cidu yinx vunzcaiz gisuz maenh’ ak gukrog roengzhoh.

(cienj banj 10)